


## Vischnaunca da Breil



# Ordinaziun davart il survetsch da pumpiers ella vischnaunca da Breil

2018

Art.	1	<b>I. Determinaziuns generalas</b> Cuntegn
		<b>II. Obligaziun da far pumpiers e taxa da cumpensaziun</b>
	2	Obligaziun da far pumpiers
	3	Taxa da cumpensaziun
		<b>III. Organisaziun dil corp da pumpiers</b>
	4	Structura dils pumpiers
	5	Commando da pumpiers
	6	Cumandant da vischnaunca
	7	Vicecumandants
	8	Officers
	9	Furier
	10	Cau da material
	11	Meinagrappa
		<b>IV. Prescripziuns generalas</b>
	12	Obligaziuns dil cader
	13	Scamonds
	14	Mesiras disciplinaras
	15	Equipament persunal
	16	Material da corp
		<b>V. Survetsch d'exercezis e da seracass</b>
	17	Survetsch d'exercezis
	18	Clamar per agid
	19	Agid extern
	20	Commando d'acziun
		<b>VI. Schulda e spesas</b>
	21	Salarisaziun
		<b>VII. Castitgs e perstgisas</b>
	22	Castitgs
	23	Perstgisas
		<b>VIII. Determinaziuns transitorias e finalas</b>
	24	Entrada en vigur

La suprastonza communal dalla vischnaunca da Breil relai sin fundament digl art. 23 dalla lescha da pumpiers la suandonta ordinaziun davart il survetsch da pumpiers:

## I. Determinaziuns generalas

### Art. 1

Cuntegn Questa ordnaziun reglescha las incumbensas dallas singulas funcziuns, las prescripziuns da survetsch, il survetsch d'exercezis, ils fatgs d'alarm, las multas disciplinaras e la salarisaziun.

## II. Obligaziun da far pumpiers e taxa da cumpensaziun

### Art. 2

Obligaziun da far pumpiers L'obligaziun da far pumpiers finescha cun la fin digl onn, suenter haver cumplenu il 44 avel onn da naschienscha.

### Art. 3

Taxa da cumpensaziun  
 1 La taxa da cumpensaziun annuala munta a CHF 240.00  
 2 Per personas che arrivan, resp. che bandunan la vischnaunca vegn la taxa da cumpensaziun quintada pro rata tenor il cuoz da domicil en vischnaunca.

## III. Organisaziun dil corp da pumpiers

### Art. 4

Structura dils pumpiers  
 1 Il corp da pumpiers consista dil commando e da secziuns. Quellas secziuns vegnan formadas e partidas en tenor basegns.  
 2 Tier las scharschas da cader s'audan il cumandant da vischnaunca, ils vicecumandants, ils officiers e meinagruppa sco era ils furiers ed ils caus da material.

### Art. 5

Commando da pumpiers Il commando da pumpiers sustegn il cumandant da vischnaunca en sias incumbensas.

### Art. 6

Cumandant da vischnaunca Il cumandant da vischnaunca ha ils suandonts duers:

1. menar il corp da pumpiers;
2. organisar e survigilar ils survetschs d'exercezis, d'instrucziun e da pichet;
3. haver la survigilonza suprema dil persunal e dil material;
4. annunziar malsognas ed accidents alla cassa d'agid dalla Federaziun svizra da pumpiers;
5. tener sil current la cumissiun da fiug davart ils fatgs dils pumpiers;
6. preparar il plan d'exercezis per igl entir onn;
7. representar ils pumpiers anoviars;
8. dar rapport dils seracass alla suprastanza ed all'Assicuranza d'edifecis dil Grischun;
9. cumpilar in rapport annual dalla cumissiun da fiug per mauns dalla suprastanza communal.

#### Art. 7

Vicecumandants      Ils vicecumandants substitueschan il cumandant da vischnaunca.

#### Art. 8

Officers              Ils officers han ils suandonts duers:

1. scriver ils programs da lavur cun accent sin quei che duei vegnir exercitau;
2. inspectar il material da lur secziun suenter mintga exercezi e mintga seracass e rapportar defects al cumandant da vischnaunca;
3. controllar la funcziunalitad da maschinas e da material da lur secziun e digl equipament dalla squadra;
4. attestar cun lur sottascripziun la gliesta d'appell per mauns dil furier.

#### Art. 9

Furier                Il furier ha ils suandonts duers:

1. menar la controlla dalla squadra;
2. controllar il survetsch d'exercezis e da seracass;
3. administrar la schulda ed ils castitgs;
4. far part dalla cumissiun da fiug ella funcziun d'actuar.

#### Art. 10

Cau da material      Il cau da material ha ils suandonts duers:

1. surprender la responsabladad per la controlla dil material da corp e digl equipament persunal;
2. surprender la responsabladad per il manteniment dil material da pumpiers;
3. far in inventari annual;

4. controllar las lavurs da reparatura;
5. menar la gruppa da manteniment.

#### **Art. 11**

Meinagrappa      Ils meinagrappa meinan las gruppas attribuidas ad els. Els ein sutfamess als officiers.

### **IV. Prescripziuns generalas**

#### **Art. 12**

Obligaziuns dil cader      Ils commembers dil cader salvan lur grad ni lur funcziun entochen l'extrada dil survetsch ni entochen ch'els vegnan dispensai, relaschai sin damonda ni promovì digl organ cumpetent. Officiers e sutofficiers che demissiuneschan per motivs urgents ni che vegnan relaschai da lur grad ni da lur funcziun astgan buca pli vegnir parti en per il survetsch activ.

#### **Art. 13**

Scamonds      Igl ei scumandau:

1. d'allontanar objects durant l'acziun senza il camond explicit dil menader d'acziun sin il plaz;
2. da bandunar ils posts attribui dano en cass d'urgenza extrens;
3. da fimar e da beiber alcohol durant il survetsch;
4. da purtar l'uniforma senza clamada ni lubientscha dil cumandant da vischnaunca;
5. da duvrar material da pumpiers per intents privats senza lubientscha dil cumandant da vischnaunca;
6. da s'allontanar dils exerchezis avon la fin da tals.

#### **Art. 14**

Mesiras disciplinaras      Ils menaders dallas secziuns ni ils meinagrappa han la cumpetenza da spedir giu dil plaz d'exercitar ni da seracass pumpiers che sedeportan da maniera maldueivla e d'annunziar quei immediat al cumandant da vischnaunca.

#### **Art. 15**

Equipament personal      1 Mintga persona ei responsabla per igl equipament ch'ella survegn. Objects d'equipament piars ordeifer il survetsch da pumpiers ein d'indemnisar.

2 La mondura, la capellina ed igl ulteriur material personal ein da deponer el local da pumpiers ellas scaffas personalisadas.

**Art. 16**

Material da corp Il material da corp vegn magasinà e manteniù tenor la directiva dil cumandant da vischnaunca.

**V. Survetsch d'exercezis e da seracass****Art. 17**

Survetsch d'exercezi Il survetsch d'exercezis succeda tenor las directivas valeivlas dall'Assicuranza d'edificis dil Grischun. Il cumandant da vischnaunca sa tenor basegns ordinar ulteriurs exercèzis.

**Art. 18**

Clamar per agid 1 Sch'igl agen corp da pumpiers dat buca damogn persuls ad in seracass, ei il cumandant sin il plaz dil seracass obligaus da clamar ad uras ulteriuras forzas auxiliarias.

2 Las forzas auxiliarias externas ein da relaschar schispert che la situaziun sin il plaz dil seracass lubescha ei.

**Art. 19**

Agid extern 1 Sche autras vischnauncas vegnan clamadas en agid, determinescha lur cumandant da vischnaunca la squadra ed il material dallas secziuns tarmessas.

2 La prontadad d'intervegnir ell'atgna vischnaunca sto esser garantida. Eventuals cuosts san vegnir mess a quen alla vischnaunca che cloma per agid.

**Art. 20**

Commando d'acziun Sin il plaz da seracass meina il cumandant da vischnaunca, en cass d'absenza ses substituts, il commando. Sche era ils substituts ein absents, surpren quei pompier cun il pli ault grad il commando sin il plaz dil seracass.

**VI. Schulda e spesas****Art. 21**

Salarisaziun 1 Ils commembers dil cader da pumpiers survegnan per las incumbensas descrettas ella lescha da pumpiers ed en questa ordinaziun ultra dalla schulda per il survetsch d'exercezis e

l'indemnisaziun per ils seracass ina pauschala annuala. Las indemnisaziuns pauschalas annualas importan:

1. cumandant da vischnaunca	CHF	3'000.00
2. vicecumandant	CHF	1'000.00
3. officiers	CHF	300.00
4. furier	CHF	1'000.00
5. cau da material	CHF	500.00
6. meinagrappa	CHF	200.00

2 Il survetsch d'exercezis, il survetsch d'alarm ed il survetsch da carrar ADP vegnan indemnisai sco suonda:

salari d'exercezi	CHF	30.00
salari d'exercezi d'alarm	CHF	30.00
salari per controlla da carrar ADP	CHF	50.00

3 Tut ils pumpiers che fan survetsch vegnan indemnisai per seracass naven dall'emprema ura. L'indemnisaziun munta a CHF 30.00 per ura. L'emprema ura quenta dubel, pia CHF 60.00.

4 Ils officiers vegnan indemnisai per il survetsch da pichet da firaus e da fin d'jamna cun CHF 50.00 per di.

5 La participaziun a cuors da perfecziunament (cuors per meinagrappa, officiers, cumandants da vischnaunca, cuors tactics e dis da perfecziunament) e dietas vegn indemnisada cun CHF 220.00 per in cuors d'in entir di.

6 Per lavurs ordeifer il survetsch incl. manteniment da maschinas e material cun exepziun dil service da vehichels survegnan tut ils pumpiers che fan survetsch in'indemnisaziun tenor il reglament da salarisaziun dalla vischnaunca.

7 Ulteriuras indemnisaziuns da spensas sedrezzan tenor il reglament da salarisaziun dalla vischnaunca.

## VII. Castitgs e perstgisas

### Art. 22

#### Castitgs

1 Tgi che separticipescha buc ad exerciezis, cuors, exerciezis d'alarm ed inspecziuns senza perstgisa survegn il suandont castitg:

1. assenza d'in exerciezi	CHF	60.00
2. assenza d'in cuors dad in di	CHF	80.00

2 Perstgisas tenor igl art. 23 alinea 2 vegnan buca sancziunadas. Las ulteriuras perstgisas buca valeivlas caschunan in castitg da CHF 40.00.

**Art. 23**

Perstgisas

1 Perstgisas per exerchezis buca frequentai ein d'inoltrar al furier en scret cun indicar ils motivs entochen il pli tard ils 15-12 digl onn current. La perstgisa sa succeder cun las cartas ni via la plattaforma online.

2 Dallas perstgisas decida la cumissiun da fiug. Sco motivs da perstgisa valan cunzun:

1. malsogna ni accident (in attest dil miedi sa vegnir pretendius)
2. greva malsogna ni accident en famiglia
3. mortori en famiglia
4. militar ni survetsch civil

**VIII. Determinaziuns transitorias e finalas****Art. 24**

Entrada en vigur

1 Quella ordinaziun davart il survetsch da pumpiers entra en vigur igl 1. da schaner 2018.

2 Cun l'entrada en vigur da quella ordinaziun ein las determinaziuns che stattan en cuntradiziun cun ella abrogadas.

Approbau ils 10 da settember 2018

Suprastonza communal

Il president: Clau Schlosser

Curdin Cadonau

